

第一冊

序

目錄

卷之一

賦十一篇

卷之二

賦十一篇

何大復先生集

何大復先生集

乾隆庚午歲重鑄

何大夏先生

全集

貝集堂藏板

明
堂

叙

申國當荊豫之交雄關峙其
前靈瀆繞其後崢泓盤鬱神
秀天成宜其發為人文代有
賢達而自古在昔寥寥未聞

意者南北喉襟為歷朝用武
之地戈鋌鋒鏑悍氣相尋雖
有名山大川不足以銷融而
濬茲之耶崧高之詩曰申伯
之德柔惠且直又曰吉甫作

誦其詩孔碩其風肆好溯良
翰之嘉型聆名卿之雅奏僅
一見於周宣而他無可述蓋
越二千餘年至有明正德中
而仲默何先生實產是邦先

生夙慧有神童之目及掇科
第掌絲綸提學陝右恂恂謙
退未嘗以才氣凌人平昔重
知交惇古誼如救李副使之
獄恤師御史之喪見義必為

不遺餘力至若論國事當否
書抑劉瑾跡屏錢寧疏詆番
僧義子則又慷慨激切挺節
不阿我儀圖之非所謂柔惠
且直者耶先生於書無所不

讀於文亦無所不工遺稿具
存諸體悉妙而尤以詩篇擅
名壇坫性天高朗吐屬芳華
理有根原詞多諷諭懷匠巧
以獨運協規度於自然諸家

品評類取形似竊以為先生
之微旨擬之以其詩孔碩其
風肆好庶幾得之藝苑恒蹊
詎能窺其秘奧哉獨念先生
由關中引疾歸里捐館之歲

甫三十有九四科之選不永
其年三公之材未竟其用良
足惜已然而邦之勝以大
復山為最爾雅曰淮水東出
桐柏之大復山謂之陽口先

生以山為號志在不朽雲連
碧嶂月映清流哲人之風千
秋如見正不以齒齡計脩短
也明季兵燹之後舊集燬失
何太學輝少購得而再梓之

故家之先澤重光古郡之遺
文不墜余樂觀其盛遂不揣
弇陋而為之叙時

乾隆十四年歲次己巳八月

上浣

賜進士出身

特授中憲大夫河南按察使司

副使分巡南汝光道兼管水

利事務紀錄八次山陰任弘

業拜撰

序

寓內山川莫除於蜀亦莫奇
於蜀乃古之人有足跡遍天
下而竟以未得遊蜀為恨夫
山川之美豈同於名公石室

之藏其思維繫念令人緒緒
不忘若是至若山川之秀鍾
為哲人篇帙之垂珍為至寶
遙情所寄寓目無由以視慕
名山大川而不得身遊其境

者其飢渴又何如也余家世
蒲坂幼從鄉先輩游叙次前
明著作莫不知有大復集而
余顧未之見也通籍浚客京
十載間從宦好中索藏本然